

People
plus

AR
NOU PARTI, NOU CALIT
PLI DETERMINEN KI ZANMEN

OLI SA LASANBLE SERVYE?

Prezidan Danny Faure, i sorti dan en parti ki, depi son kreasyon pe met lentere lepep Seselwa premye. Napa nanryen ki'n sanze dan bann prensip ki kontinyelman gid nou bann dirizan, pareyman labaz nou bann polisi pa sanze me lenplimantasyon travay i toultan ganny adapte avek peryod modern ki Sesel i antre ladan. Travay ki ganny fer i met Seselwa e Sesel premye. Pour le moman, gouvènmàn i war li dan en sitiasyon koabitasyon e in pare pour travay avek Lasanble pour dibyen lepep. Pour Parti Lepep, i pa'n zanmen otremàn.

Prezidan Faure in anons tou mezir ki nesese pour rezourd okenn defi ki Seselwa e sa pei pe fer fas avek. Ki swa dan sekte sosyal, lozman ek later, e dan bann lenstitisyon Leta ki pou asir pli bon gouvènmàn, latransparans e rann kont, se bann mezir ki dan lavantaz Seselwa. Se bann mezir ki menm siporter lopoziyon tya swete ganny enplimante e konplet fason travay Gouvènmàn Parti Lepep. Sa i laprev osi

ki zot in toultan oule nou gouvènmàn dan lotorite pour travay, malgre ki zot siport lopoziyon. E la sa mazorite LDS pe prouv le pwen zot bann siporter. Zot pa kapab travay dan lentere lepep me servi tou lokazyon pour tir rankin, vanzans, e kree sitiasyon ki pou anmenn konfizyon, konfli e divizyon. Zot pe fer tou sord lakizasyon ki napa fonnman, pe donn fo lenformasyon e fo statistik, tel ki Florry Laure ki'n konfiz batiman ICCS avek Maison du Peuple- en batiman konstrir volontermàn par bann siporter parti, e ede par Fron Liberasyon Nasyonal (FLN) (parti politik ki ti diriz Algerie sa lepok) ki ti ed SPPF e non pa fer okenn kado Gouvènmàn Sesel. Oli problem si Parti Lepep in aste kare later pour konstrir son bann biro brans? Parti Lepep i egziste e travay lon-term pa aparet pour disparet parey lopoziyon.

Dan Lasanble, LDS pa oule bon dialog konstriktiv e antre dan deba ki entelizan e profesyonnel. Swa zot pa kapab swa zot fer ekspres pour saboule e bloke. Boul i dan zot kare, zot pa konn met gol.

SIPORTER LOPOZISYON PE SIPORT POLITISYEN KI PA KONTAN ZOT

Depi ki nouvo Lasanble in komans travay, en keksoz ki vremen kler pour tou Seselwa trouve, se ki, bann siporter lopoziyon pe siport politisyen ki pa kontan zot. Depi toultan ki Parti Lepep in ganny mazorite, e menm tou eleksyon Prezidansyel, nou bann liderz in travay dan lentere e benefis Seselwa e pei, aköz zot toultan pran an responsabilite lepep, me zot travay e delivre lo sa ki zot promet nou bann siporter Lepep. Tandis ki avek LDS an mazorite dan Lasanble, zot pe lager pour defann sa ki zot konsider zot prop viktimizasyon, e zot dalon, zot pe gognard e fer malis bann liderz dan Lepep, savedir zot pe revanze. Pa sa Lasanble ki siporter lopoziyon ti demande. Prezidan Faure i deklare ki i pare pour travay ek Lasanble me olye siport li, LDS pe kontinyelman fer malis. Si sitiasyon pa sanze, Lasanble pou vin enn parey dan bann pei avek politisyen

medyok, egois, ki servi sa lenstitisyon pou ranpli zot pos, e menas sekirite nou pei, sekirite nou pep.

Tou siporter lopoziyon ki entelizan pou rekonnèt ki Prezidan Faure pou adres size ki zot osi zot ti oule ganny adrese, e zot merit siport Prezidan Faure ek en Gouvernman Parti Lepep. Sa ladres pa dimyel oswa bat latet, sa ladres i reflekte demann lepep apre sa de dernyen eleksyon. Me domaz pour serten dan Lasanble, zot krwar ki zot sitan pli entelizan ki tou Seselwa ki zot ki zot pe fer zot prop siporter fristre. Zot bann montre ledrwa, lenvansyon lo koripsyon, e alegasyon lo lafason ki gouverman in mal depans larzan, i fer zot pas pour lenbesil. Lasanble pa la pour politisyen esey vin en ero. Lasanble pa la pour zwe lo vant e lavenir en pep. Lasanble pa la pour politisyen montre nou zenn ki mank respe, e malis i bann valer ki ganny aksepte dan en sosyete.